



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 26. Ejusdem Myst. punct. 3.

[urn:nbn:de:hbz:466:1-60232](#)

COL. Ad Christum petendo gratiam eum toto
corde amandi , sequendi *in injuriis* , & adversis
omnibus , & desideria omnia carnis superandi , &
expugnandi .

RECOLLECTIO. REPETITIO. APPLICATIO SENSUUM.

MEDITATIO. XXVI.

De Purificatione B. Virginis , & Pueri
JESU Præsentatione, Luc. 2.

Myst. punct. 3.

CONG. Non mutatur in hac hebdomadâ.

PRÆL. I. Anna superveniens , confitebatur
Domino , & loquebatur de illo omnibus , qui ex-
pectabant redemtionem Israel. Luc. 2.

PRÆL. II. Circumspicere templum, quò Anna
supervenit.

PRÆL. III. Petere gratiam proficiendi in amore
Christi, ex iis , quæ ab Anna gesta fuerunt.

PUNCTUM I. PERSONÆ. MEM. Aspicere perso-
nam Annæ Prophetissæ filiæ Phanuel , de tri-
bu Aser.

INTEL. Vixerat cum viro suo annis septem à Vir-
ginitate sua. Et hec vidua usque ad annos octogin-
ta quatuor. Luc. 2. laudatur in Anna castitas virgi-
nalis , conjugalis , & vidualis. REFL. Cogitemus
quomodo hactenus pugnaverimus contra rebel-
lionem

lionem carnis, qui hostis insidiatur castitati.

VOL. Amemus Christum, qui amore casto vulnus amari, invocemus Spiritum Sanctum, cuius duo ultimi fructus numerantur, *continentia, castitas*. Gal. 5.

PUNCTUM II. VERBA. MEM. Anna Confitebatu*s* Domino, & loquebatur de illo omnibus. Luc. 1.

INTEL. Notemus ordinem. prius loquendum, confitendum Deo in oratione; deinde aliis de Deo loquendum. REFL. Nos homines societatis, non sumus apti, ut de Deo loquamur cum proximo, nisi antea, benè exercitati fuerimus in oratione.

VOL. Faciamus cum Davide apud Deum talum propositum: *Confitebor tibi Domine in toto corde meo*, deinde, post meditationes, exercitia toto corde facta, aliis narrabo omnia mirabilia tua. Ps. 9. in concionibus, in privatis colloquiis, &c.

PUNCTUM. III. MEM. Anna non discedebat a templo; jejuniis, & obsecrationibus servienti nocte ac die. Luc. 2.

INTEL. *Bona est oratio cum jejunio*. Tob. 12. Christus postea per 40. dies vacans orationi, jejunavit: & quia additur Tobiæ 12. & eleemosynas distribuit deinde eleemosynas, faciens opera misericordiæ corporalia, & spiritualia. REFL. Haec est vita hominum Societatis Jesu, vacare obsecrationibus, & exercitiis spiritualibus nocte, & die; tum per Regulas de vietu temperando, & per pœnitentias in vietu, expugnare rebellionem sen-

sensuum, nominatim *gustus*. Denique inter proximos facere opera misericordiae corporalia, & spiritualia.

VOL. Proponamus apud animum nostrum
hæc omnia diligenter observare.

COLLOQ. Ad Christum in templo præsentatum, postulando, ut sicut Annæ, sic etiam, & nobis det gratiam orationis; ac deinde zelum coram aliis rectè de rebus divinis loquendi. RECOLLECTIO.

MEDITATIO XXVII.

De fugâ in Ægyptum. Matth. 2.

Myst. punct. i.

CONG. Propria huic hebdomadæ.

PRÆL. I. Herodes volens Jesum occidere, occidit innocentes præmonito Joseph per Angelum, ut in Ægyptum fugeret.

PRÆL. II. Videre longitudinem, cœterasque proprietates itineris in Ægyptum.

PRÆL. III. Petere, ut ex hoc mysterio animos
sumamus generosè Christum per adversa se-
quendi.

PUNCTUM I. PERSONÆ. MEM. Videamus familiam Herodis : inde convertamus oculos ad familiam Christi.

INTEL. Inveniemus Herodem cum suis subactum
à carnis sensuum, amorisque proprii, ac mundani
rebellione: ex adverso Christum contemplemur, à
quo procul illi nequam hostes; loco quorū prædi-